

Sukuma - Agape Shandikwa - God's Love Letter Scriptures

Yohana 15:9 Umo Baba anitogelilwe u nene, na a bing'we amutogilwe giko. Ikalagi mo u mu butogwa bone.

Isaya 43:1,2 - Baefeso 2:10 Nguno tuli shiseeng'wa sha ng'wa Mulungu, tubeesiwe muli Kilisto Yesu kulwa shitwa shawiza, isho ashilonja-longije kufuma kale giki tushimizile musho.

Yelemia 1:5 - Bagalatia 1:15 Aliyo uyo wali anisolile kwingila kale, kufuma mu nda ya ng'wa mayu, aho gwanyeja gwa kunitana kulwa shigongo shakwe,

Yohana 15:16 Mutanisolile bing'we u nene, u nene hu namusolile a bing'we, nung'winha nimo gwa kuja mukutwajaga matwajo. Hama a matwajo ging'we gabize ga kushinga ho, hangi muyunomba u Baba buli shikolo isho mutogilwe, wang'winha mu lina lyane.

3 Yohana 1:2 Ntogwa, nalikulombela wilukilwe mu yose, na hangi ubize nzubuku wa gili-gili, git'umo ukwilukilagwa mhola mu bupanga wako.

Isaya 43:4 - 1 Petelo 2:9,10 Aliyo a bing'we muli bubyile busolwa, bugabiji bo nyatemi, ihanga lyeela, banhu bakwe ba wicomangile, kulwa kukumucha wiza bokwe uyo wang'witana kufuma mu giiti kwingila ng'wisana lyakwe ilo lili na wiza bukilanigije. 10 A bing'we i kale ng'wali muti banhu, aliyo i haha muli banhu ba ng'wa Mulungu; ng'wali mutachililwe shigongo, aliyo i haha muchililwe shigongo.

Yelemia 31:3 - Baefeso 1:4 Nguno u muli ng'wenuyo, u Mulungu atusolile kufuma kale kulwa butogwa bokwe; kufuma aho si itaali kuseeng'wa: atusolile giki tubize banhu beela, na batu na shilingo ku butongi bokwe.

2 Timoteo 1:9 uyo watupija. Hangi watwitana mu kwitana kwela, iti kulwa wiza bo shitile shise; aliyo kulwa kasolele kakwe na shigongo shakwe, git'umo atwinhilile muli Kilisto Yesu kufuma kale, kuko ikanza litaali kwandya kubiza ho.

Yohana 3:16 Nguno u Mulungu abatogilwe no a ba mu si, kushisha nose unfunya Ng'wana wakwe umo wike; giki buli ng'wene uyo unzunya atizuyagala, aliyo abize na bupanga bo welelo na welelo.

Hosea 11:8; Isaya 49:15,16; & Isaya 41:13,14

Luka 12:32 A bing'we i chene muli idale ido, kwike mutogohage, nguno u Sing'we gunyegije gwa kung'winha u butemi a bing'we.

Matayo 28:20 Hama ng'ubalanga kwidima pyi iyo naamalile kumukomeleja, managi giki u nene ng'wenekili nali hamo ning'we pyi i shiku jose na jose, kushisha ku bukalikijo w'ikanza.

Yohana 14:1 Yaya u kutawa-tawa u mu ngholo jing'we; iki munzunije u Mulungu nizunyagi nu nene.

Zabuli 23:1 - Yohana 10:11 U nene nali Ndiimi wawiza; u ndiimi wawiza akeegaga bupanga bokwe kulwajo i ngholo.

Zabuli 23:2 - Kukundulilwa 7:17 Nguno u Ng'wana wa Ngholo uyo ali ha gati y'lsumbi lya butemi, akubadiima na kubatongeela ku nzwinzi ja minzi mapanga. U Mulungu akushipyagula i shisoji shinge pyi u mu miso gab.

Zabuli 23:3,4 - Luka 1:79 kulwa kubaakila abo bakwikalaga mu giiti, na mu nengeji gwa lufu; na kutongeela mhambala jise mu nzila ya mhola.

Zabuli 23:5,6 - 2 Bakolinto 1:10 Huna ng'wene uyo akatupija kufuma mu nhabaala nhaale giko, na nghana akutupija. U wei h'uyo tunsanije giki akongeja kutupija;

Bafilipi 4:7 Huna i mhola ya ng'wa Mulungu iyo ikilile witegeleja bose ikujilanghana i ngholo jing'we na a maganiko ging'we muli Kilisto Yesu.

Sumo 3:24 & Zabuli 4:8 - Yohana 14:27 Nalimulekela mhola; naling'winha mhola yane. Umo naling'winhila iti git'umo si ikinhilaga. Yaya u kutawa-tawa u mu ngholo jing'we, yaya nu kogoha!

Zabuli 33:18 - 1 Petelo 3:12 Nguno a miso ga ng'wa Seeba gabalolile a batungilija, na a matu gakwe gakigwaga u bulombi wabo. Aliyo u Seeba atabatogilwe a bakenaaguji.

Balumi 5:2 U muli we u ng'wenuyo, tulugulililwe nyango gwa kwingila u mu wiza ubo twimiilile mubo kulwa kuzunya; na tukuyegaga kulwa kuliisagilwa i likujo lya ng'wa Mulungu.

Isaya 55:12 - Luka 19:40 Nanghwe ushosha uhaya, "Nalimuwilisa giki a benaba nuulu bakahuumula, gakuyoganya mawe."

Yohana 16:22 Na a bing'we i haha muli na bupina; aliyo nakumubona hangi jiyege i ngholo jing'we. Hama atigela ose-ose wa kung'wingija u buyegi wing'we.

Luka 12:9 Aliyo uyo unilema ku butongi bo banhu, nanghwe akuleng'wa u ku butongi bo bamalaika ba ng'wa Mulungu.

Matayo 10:30 Lelo a bing'we, ni nzwili jing'we i ja mu ntwe pyi i jose jibalilwe.

Isaya 54:10 - Matayo 24:35 I ligulu ni si shikubita, aliyo i mihayo yane itiko kujimiila na hado yaya!

Matayo 11:28-30 Nzugi kuli nene pye abo muli na makoye, na mubunilwe miligo midito; u nene nakung'wifuuja. 29 Solagi ijoki lyane, ng'wilange kufuma kuli nene, nguno u nene nali nfula na nali ng'widohya u mu ngholo; u mu giko hu bukwifuula u bupanga wing'we. 30 Nguno ili shinogu u kulitumamila i lijoki lyane; hama nu nigo gwane guli mbupu."

Simioni 2:10 & Hosea 2:14,19,20

2 Bakolinto 11:2 U nene nali na wilu bo ng'wa Mulungu kulwa nguno ying'we, nguno nakamulunja kulwa ngosha umo, giki namufunye kuli Kilisto giti kung'winha munhya nsuhya, uyo ati na shilingo nuulu hado.

Exodus 13:4 - Bahebulania 13:8 U Yesu Kilisto ataali kugaluka; umo wali igolo h'umo ali ni lelo, kushisha welelo na welelo.

Hosea 13:4 - Shitwa 4:12 Niyo butiho bupiji muli munhu ungi ose-ose, nguno nduhu lina lingi hangi pye a hose a ha silili y'igulu ilo binhwa a banhu, giki shitwigeleelilwe kupijiwa mulyo.

Yohana 15:14 Ulu ng'wita iyo nalimulagila mukubiza banwani bichane.

Yohana 14:6 Nanghwe u Yesu ung'wila giki, "U nene hu nali Nzila na Nghana na Bupanga; atiho wa kwiza kuli Baba ulu atabitile muli nene.

Kukundulilwa 3:20 I haha nimiilaga ha nyango nalitula hoodi; buli ng'wene uyo uliigwa i lilaka lyane ugulugula u nyango gwakwe, nakwingila nalye nanghwe, nu wei hamo nu nene.

**Pastor T. John Franklin
Church of Salvation, Healing, and Deliverance
COS-HAD.org**